

各省士民維持優待清室條件函稿

MG  
K258.06

7



3 1799 3766 3

滿蒙協進會滿族同進會旗族互救急進會公呈爲呈請維持元年優待條件以昭天信而服天下事溯自辛亥革命海上議和

孝定景皇后本天下爲公之心不忍殺人流血徇國人之請下詔共和讓政退位匪特不惜犧牲一姓之尊榮且挈其所開拓生聚之滿蒙回藏之土地人民隸入於同一版圖我五族共和之中華民國始以開基當宣布之初凡屬血氣之倫莫不同聲感泣歌頌盛德是以議和代表與臨時參議院本崇德報功之旨因介於前領袖駐華英公使朱爾典之斡旋雙方議訂優待皇室條件八款待遇皇族條件四款待遇滿蒙回藏各族條件七款相互正式簽字送付各國駐北京公使館轉致各該國政府存案證明信誓旦旦天下昭然此一舉也非特足以表揚我四千年道義相傳古國之美風誠爲世界革命史上一和平揖讓之真諦而我滿蒙回藏各族所以傾心一志贊助共和以完成五色國徽不使十三州之合衆獨美於前者亦胥以此是誠我中華民國昭垂不朽之紀念而我五大民族所永矢弗諼者也當其時率諸將領以首先電請者厥惟今日我

總執政而開國臨政以執行之者寔惟孫中山首當議和總代表之任者又爲今日之外長唐公紹儀成立以後復於民國元年中山入京之時曾有優待條件永久有效之鄭重宣言民國五年天壇議憲又有憲法會議載明優待待遇各條件永久有效之保障民國六年今總執政靖國宣言更有不撤消優待條件之宣言雙方遵守既已十有三年履行無違保證重重然則此項條件純爲雙方合意之條約契約按之法理決非單獨片面所可修正以更改而取消之也固已彰彰明甚確切不移乃近頃竟以暫維現狀四人之攝閣遽以指令派京師警察總監警衛司令於數小時內臨之以軍警之重威迫脅清讓帝承認出宮修正優待條件盡將清室財產封禁致令海內沸然輿情對之憤激外交迭來責言而滿蒙回藏四族之維繫行見解弛大信掃地根本動搖會員等悚懼疑慮莫知所措夫法律不得以命令變更廢止之而以四人攝閣代理之政府更何能取消變更參議院所議決之優待條件矧該條件爲雙方合意之契約如有必需修正之時應由雙方磋商合意變更決非一方面所能單獨修正或變更之者况復出之於軍警威臨強迫勒令按法律原則在刑律之規定凡

以威暴脅迫之行爲實施於人者應負加害之責任民法之原理凡出於強暴脅迫欺罔恐嚇之行爲當然不發生法律上之效力似此蹂躪法律失墜大信之事實乃以強迫威權加諸於遵守信約無辜無勇之清讓帝制奪其自由意思以脅令承認而毀棄我五族共和國家大信不獨滿蒙回藏四族人心之所共憤抑亦全國志士仁人之所共恥以望五色國旗而涕零色變者也當彼之時清讓帝及皇族滿蒙各族人民之庸於京師者自有吞聲忍氣無如之何第念此等強迫行爲本不能發生效力在被害者於恢復意思自由之時當然得以訴請恢復原狀今幸我

總執政令應蒼生之渴望

出臨大政謹掬誠撮述此項條件成立及被蹂躪之前後經過敢請

我

賢明勇毅之總執政令洞鑒一切亟予維持恢復以重昭大信於天下民國幸甚清室幸甚滿

蒙回藏四族幸甚謹呈

總執政令鈞鑒

竊維清室遜政天下爲公當時南北議和代表與臨時參議院議訂優待條件此種崇德報  
功之舉實足彰我四千年道義相傳古國之美風爲世界各國革命史開一和平掛讓之真  
諦在清室匪特不惜犧牲一姓之尊榮且挈其所開拓生聚之滿蒙回藏土地人民一舉而  
同移於民國確立五族共和之基酬以優待公道乃彰盟以條件信義斯著或有協議之處  
儘可徐商詎容威脅乃前攝政內閣竟以兵力迫使毀約外假修正之名強行削減之實大  
信所在掉以輕心微特蒙藏諸族將因以離心凡屬血氣之倫均抱不平之感修正條文出  
於片面按諸法律手續亦屬不合當歸無效

執政三造共合天下仰望舊時條件實預見聞  
總司令 仁 聞 仁 心 昭 著 寰 宇 目 賭 此 事 當 有 大 不 嫌 於 懷 者 擬 懇 政 府 之 執 政

本立國以信之旨毅然將前攝閣修正優待清室條件之令明令取消另定辦法以崇大信  
而固國本實爲至幸肅此謹呈

中華民國執政段  
鎮威軍總司令張 京兆直隸王樹梅張權馮恕蔣式理劉若會張愿史履晉張黎衡渠英等  
謹呈

京師總商會呈爲公懇

力予維持以昭千古大信事竊原民國成立由於清室之遜政當時民軍雖蠶起各省然根本重地與主要兵力尙在清室之手清室辭位而後民國始得完全成立辛亥優待條件正所以酬清室遜位之美德也此項條件爲民國立國根本其效力較國際條約猶當過之乃本年十一月五日攝政內閣突以兵力侵入禁城迫令清室承認修正優待條件五條此事於信義旣已大虧於手續亦復不合且民國合五族爲共和國優待蒙回藏條件即附於優待皇室條件之後今正條旣行修正附條當然不能存在如此則蒙藏諸族皆當離心是民國無端捐棄四族蹙地萬里國本疆域均恐動搖於中國前途實爲不利

執政再造共和功在天下擬請即予取消此次修正條件另定辦法以存國體實爲至幸懇

乞  
執政鑒察施行謹呈

北京執政府段執政鈞鑒民國肇基皇清遜位揖讓之風可匹唐虞用成優待條件宣示中

外永遠遵行不意去年十一月竟有變更優待條件之舉中外震驚奔走呼籲迄今月餘未聞明命等爲優待條件載在約章豈可輕改用敢恭電籲懇執政迅發明令恢復原有優待皇室條件以昭大信而服中外之心天下幸甚東三省公民世榮五十二人全叩

大帥鈞座敬肅者今秋奉直之役我軍以理直氣壯奮勇爭先所向披靡敵人望風而遁解甲而降眞足聳動環球震驚華夏近古以來未嘗有也乃我

大帥成功不居推倒賄選舊政府另組執政新政府有救民之心無利己之志仁聲義聞眞綬感莫名凡屬同胞同澤宜如何體我

大帥之心公溥爲懷飢溺是念舉凡有悖於信義者何容躬自蹈之乃聞北京當路於國家机墮之際諸務未遑首先變更優待皇室條件逼走乘輿爲租界寓公中外驚愕不解所謂夫優待條件載在約章宜之外國所以昭大信美德讓也此而可改更有何事不可改者且清皇室亦復無害於民國也

宣統帝二年正統實爲天下共主凡食前朝之祿者皆有舊君之誼優待條件內約以

皇帝終身民國總統以下待以異國君主之禮實爲至公至平無可改易是以十三年來歷任總統一遵原約均無異詞又僅

宣統帝一世非如昔時世及之比亦復何所汲汲迫不及待耶不然何名爲優待而免五族之反感也是以各省名流皆有電請執政政府恢復優待皇室條件之舉我三省爲清室發祥之地某等又多受前朝厚恩誼不容默乃合詞電請執政政府恢復原有優待條件以昭大信而服人心惟某等人微言輕恐不足邀政府聽從乃謹函請我

大帥仗義執言商請 執政政府俯順輿情迅發明令恢復原有優待皇室條件不惟某等同聲感戴即皇室九廟之靈亦將昭鑒於冥漠矣爲此合辭叩懇幸垂察焉不勝迫切惶悚待命之至謹此肅佈虔請

崇安

世榮 陸 朱 西等五十三人全頓首

執政鈞鑒敬啟者立國之道首重信義無信義雖匹夫不能以自立何論國家清宣統三年武昌變起孝定景皇后不忍生靈塗炭下詔遜政民國始得成立因是訂立優待皇室皇



族以及待遇滿蒙回藏各族條件布之全國後以正式公文由兩方代表照會各國駐京公使轉達各國政府共同證明此環球所共知也乃十一月五日突有軍隊數百人攜帶武器直入皇宮稱受攝閣命令出其自定之條件五款威迫清帝立時承認似此情形與優待二字完全背謬此事猝發民情惶惑輿論沸騰可見公道自在人心報載

執政由天津來電有何以昭大信於天下之語煌煌德音中外欽服夫由遜政而有優待條件然後有民國如破壞之是自破壞民國之根本也且該條件包括滿蒙回藏各族全體為五族共和成立之根源豈能由一二人私意改毀當十一月五日京中無總統無國會無法政府憑何資格擅改此國民公意友邦保證之信約況不以禮協商而用兵力威迫承認其不能發生效力所不待言況蒙古青年黨人受狡鄰鼓惑已有脫離中央之宣傳幸各族王公明于大義均無貳心維持其間如優待條件破壞影響所及何堪設想今幸

執政入京就職奠定國基五族仰賴中外歡欣伸大信于天下行仁政于中國則上自

執政下至庶民外及各友邦所共同認為無理之命令行爲自當首先取銷以明令宣布繼

續原訂優待條件以昭大信而符輿情五族幸甚民國幸甚 山東張英麟王疇孫學仕徐

埴等二十人謹呈

芝公 葬政 雨 帥 大鑒敬啓者上月攝閣期內忽有少數軍人威脅皇室取銷優待條件立逼 遜

帝出宮薄海聞之咸深驚訝茲者

旌節 滄都 入關重新政局行見抑強扶弱主持公道決不使

民國政府失信於清室以貽中外之口實敢將此舉之是非利害爲吾 公詳陳之從來易

姓之際罔非兵連禍結糜爛人民其故君必勢窮力盡而後退位若辛亥之冬漢陽已復兵

力正復可用 隆裕皇太后以不忍戰禍之故令諸將按兵不動者累月遽允和議命 皇

帝遜位俾得構造民國如此不私其天下之心微特歷代君德所未有即求之歐美各國亦

從無如此和平而得改變國體者向使十數年來政變不起內爭不作則休養生息人民早

受 遜帝之賜而享太平之福矣是則 清帝實大有造於民國惜民國未能體 清帝之

意實行共和耳且有清人關二百餘年所關疆土實爲明季之倍辛亥之役就令漢族傾向

共和力能覆清而滿蒙回藏閩皆擁戴清室絕未携貳也祇以遜位之舉出自 明詔故亦

贊成共和國上未經分裂今卒然廢止優待條件取銷帝號竊恐滿蒙回藏從此離心民國  
國本從此動搖傳聞此事實係出自某國之陰謀使蒙回二部因此離中國以傾向於彼然  
則此舉於皇室所受之損害猶細於民國所受之損害尤鉅也不寧惟是聞之共和國體必  
視國民之道德何如方能克期鞏固道德以信義爲明徵信義以尊重契約爲確據似此開  
國第一條件載盟府而播友邦永久履行方足昭示大信國民自然信仰政府可望民政之  
進行十數年來用力用術之局亦既屢試輒窮補救之方全在挽回信用苟不從糾正此舉  
著手無論蒙藏動搖有如上所述竊恐此後無論訂行何等良法國民且竊竊私議謂根本如  
斯何論枝節離心離德外界交侵瞻望前途不寒而慄 執事痛心時局不惜身當艱鉅冀  
以扶危而定傾必不忍坐視信義淪喪致影響於此後之大局也伏乞早定國是尊重盟約  
糾正少數之過舉實爲當今急務合詞籲陳不辭冒昧敬頌 勛綏伏祈 崇鑒 江蘇陳  
名侃 王季烈 章鈺 夏孫桐 朱修爵 孫雄 謝滯等數十人同謹啟

芝泉執政鈞座  
雨亭大帥麾下  
敬啟者此次攝閣期內忽有少數軍人及自稱市民代表等擅將優待條件

修改迫令 清皇室認可並驅脅出宮遠近傳聞莫不驚駭幸值 旌節蒞京將委員會停止進行再候解決仰見仗義執言同深欽佩惟瞬逾兩月尙無解決辦法即委員亦依舊進行迭接南中父老來書詢問始末並詳述紳商士民憤慨情形查辛亥冬遜政明詔實因 隆裕皇太后鑒於海宇多故不欲塗炭生靈曲徇臣民之請改組共和藉弭戰禍優待條件經南北磋商多時始克定議並布告友邦乃有承認國體之事是否可以任意刪改此爲法律問題況此次帶隊入宮迹近威嚇爲衆目所共覩攝閣於事前未聞制止事後乃將修改各條草草刊布未免視同兒戲且聞彼輩藉口民意證諸中外輿評下至街談巷議無不以此舉爲非所謂民意者又安在大立國之基首重信義民國建立十餘年所以兵禍相尋至於民窮財盡即由信義不立綱紀蕩然已成不可掩之事實比來人心皇皇謂虛無過激諸黨徒方秘謀潛煽將並民國全局而推翻之茲特其嚆矢非無因也我 公爲擁護共和之人共和二字作何解釋在 清室固已敝屣尊榮在民國不能自廢信誓且共和建國固統滿蒙回藏言之蒙藏回疆之入版圖始自何期往牒具在姑勿深論但證以盟府之載書準

諸中西之法理近查五族之同情遠徵列邦之公論是非得失不辯自明惟有仰懇

鈞座  
麾下

根據成案終始維持其前此條件未盡履行之處即如優待經費一項已積欠至二千萬以

上並乞會商 清室遴派專員共同討論俾臻妥協爲 清室計安全即爲民國增榮譽於

以鞏固邦本綏定人心萬世具瞻功不在禹下也 曾圻等或僑居京華或蟄居梓里承鄉人

見推函電往復意見俱同冒昧上陳不勝翹盼之至伏祈 大鑒 福建郭會忻 林開壽

江瀚 卓孝復 林葆恆 林瀨深 陳寶璠 吳徵鼈 何剛德 黃會源等三十人全

謹啟

執政 鈞鑒敬啓者 皇室優待條件履行已十有餘年相安無異即丁巳一役亦倡之各省

督軍並非 皇室起意昭然在人耳目凡我公民感激二百餘年厚澤深仁方圖報之不暇

何忍蔑視乃本年十月五日忽有二三黨人提兵擅入宮禁威逼 清帝出宮並修改已定

之優待條件群情震駭友邦警告稍有人心何忍出此況此項條件天下所共聞列國所公

認今以命令取銷法律於理不順於義不明既背信約復失人心民國前途何堪設想今爲

民國計爲 清室計應請 鈞座取銷攝閣前令仍履行原訂優待各條件俾昭信守幸甚  
盼甚肅此卽頌 鈞安 河南裴維儉 吳敬修 馬吉樟 史寶安 秦樹聲等暨商學  
界七十二人同叩

執政 兩帥 鈞鑒公啓者竊查辛亥之役 大清皇帝不忍生民塗炭毅然以天下讓之民國

政府念 清室創造之艱禪讓之德於是訂定優待條件八款清族待遇條件四款滿蒙回  
藏各待遇條件七款所有以上條件列於正式公文由兩方代表照會各國駐京公使轉達  
各該政府法至良意至美也不意本月上旬有以攝閣名義威逼 清帝出宮並發令取銷  
優待各條件中外震駭商賈爲之不平婦孺因之憤慨羣以 大清遜位本爲愛民起見不  
忍佳兵十載以來久泯形迹即使優待條件一履行尙未能酬報萬一今一旦任意更改以  
至友邦責言各省驚駭統一之策去之愈遠習經等以此事對於 清室爲不信對於民國  
爲不義不信不義胡能立國今聞 鈞座臨莅京師政府漸次成立知必有整飭紀綱維持  
信守足以使全國心理共同信仰者用敢合詞懇請俯賜取銷前令仍保全 皇室優待條

件以昭大信而順民心不勝屏營待命之至專泐祇頌 鈞安 廣東會習經 梁用弧

崔登瀛 楊鼎元 梁廣照等四十三人同啟

執政鈞鑒公肅者竊維民國成立實因 大清皇帝遜位首先贊同共和然後東西各國承認民國政府念茲禪讓之德贊同之功於是特訂清皇室優待條件八款對於尊崇清帝規定以外國君主相待又訂清族待遇條件四款滿蒙回藏各待遇條件七款均經開具正式公文由兩方代表照會各國駐京公使轉達各該政府以昭公允似此以上各項條件洵如國際條約理宜雙方遵守歷久不渝詎意本年上月間竟有四人之攝閣粹以兵力威迫清帝出宮并任意修改優待條件未經協商遽爾頒布中外震驚大動公憤僉謂如此威迫清帝直不啻威迫外國君主如此修改優待條件直不啻修改國際條約以故各國公使多抱不平等致有責言外人李佳白著為論說隱寓譏刺比時有人電告 左右當蒙電復謂彼強迫行為有礙優待而失信義報紙紛紛登載莫不稱頌我 公賢明近見第二十二號鈞座指令滿蒙回藏各族待遇條件暨蒙古王公待遇條例歷經頒布大信昭然效力確

定允無疑義益徵主持公道敦信明義遐邇同欽爲此合詞懇請明令取銷前權閣任意修  
改優待條件仍保存原訂各款以昭大信於天下五族幸甚共和前途幸甚崑肅公叩 鈞

安 江西閔荷生 趙世駿 萬本端 許受衡 吳璆等同叩

芝泉執政  
而亭大師 敬肅者竊維優待 皇室條件所以酬遜政之深仁昭民國之大信當時係由雙

方代表以正式公文照會各國駐京公使轉陳各該國政府共同保證不獨宣布全國抑且  
昭示世界著爲令典至公允凡我國民均當永遠信守者也此次攝閣期間以少數私人

憑藉兵力肆行威逼片面修改人心惶惑輿論譁然 清帝以冲齡踐阼並未親政既無法

皇路易之暴迹而遜政已歷十有三年與民國相安于無事何恨何嫌乃爲此悖叛人道違

反公理之舉顯係挾持謬說欲藉此以試驗其主義耳若不設法制止加以懲創任彼披猖

則禍之中于國家者將不堪設想且優待條件與滿族蒙古均有密切關係外蒙尙在獨立

期間內蒙八盟已有開會通電之舉設因此動搖而國家數萬里之版圖將非我所有而所

謂五族共和者恐不免去其二矣悚憂悚患迫切無似用特公函叩懇務祈俛鑒羣情主持公  
轉達執



道 立予恢復俾得維獲大局消彌隱患則全國幸甚實不勝屏營待命之至 湖北樊增祥

左紹佐 傅嶽芬 楊熊祥 王彭 陳毅 陳會矩 李啟琛等十六人同叩

公肅者竊以辛亥之役 大清皇帝不忍生靈塗炭宣布共和遜政民國斯時民國政府深感禱讓美德特定優待條件暨清族待遇滿蒙回藏待遇各條件列於正式公文由兩方代表照會各國駐京公使轉達各該政府並載在約法乃忽於本年上月有以攝政內閣名義者威逼 清帝倉猝出宮擅將優待各條件取銷一時中外震駭同聲憤懣誠以 大清遜政原因 隆裕皇太后不忍用兵恐致生民塗炭毅然率宜禪退位此中國數千年來未有之盛事薄海人民均應非常感激區區優待條件即永遠履行世世勿替亦不爲過況一代未終而歷年所認之優待款項拖欠甚巨民國號稱政府方當慚愧無地乃忽因一時擾亂假借名義威逼 清帝倉猝出宮不知 清帝之號爲帝者非 清帝之自帝其國乃當日中外人士公認爲外國君主載在條約在 清帝亦不宜自行取銷沒中外士民優待故主之美意當時以玉帛而易干戈何等光明正大就論前年復辟之時之清帝本不肯即位出

於愚忠者之強迫通國皆知又豈能橫加以謀叛之罪藉爲背棄條件之口實況此番舉動  
睚眦暴戾令人難堪即在平民貴人住宅房主人催其移居亦不應毫無商量刻不容緩至  
清室所有器物產業分別公私亦頗難得其公道標準當君主時代各省職貢所入不過同  
於民間饋送在民則爲投贈在君則爲貢獻歷代貢獻清室之物不得同於祖業私產則請  
問民國諸大僚所有現在家蓄寶貨應否一例沒爲國有清室即不受優待亦當同於國民  
凡此之類無可忌諱今一旦任意修改內啓五族之驚駭外召列邦之責言似此情形恐於  
統一前途殊有妨礙嘉言等竊以信義爲立國之根本 鈞座負保持信義之責任今幸  
名賢在位公理難誣值政府成立之始諒必整飭綱紀以順人心用持合詞籲懇俯允保存  
皇室優待條件並將攝令取銷以昭大信於天下不勝屏營待命之至 湖南陳嘉言 鄭  
沅 章華等二十二人謹呈

執政 鈞座敬肅者閱報欣悉

翽從蒞都

國鈞再震薄海士庶喁喁而望太平亮 宏闊新猷必有以慰天下之望也謹額手以稱慶  
清室優待條件行之十有三年相安無異詎意上月攝閣忽下修改明文友邦責言全國  
駭異均以爲

清帝致政出於禪讓誠意愛民崇德報功故得享優待之禮遇况四百萬元之款歷年積欠  
清室 亦未計較若謂虛名所繫即人心觀聽所關必須刈草除根不妨已甚不知 仁風  
遠布自足默化潛移比年民志大開久識共和幸福斷無異想自外生成凡此數端想承  
洞察尙希 俯納 特予維持以順輿情而彰讓德專此敬請 鈞安伏祈 垂鑒不備

甘肅 蘇源泉  
惠恩濟等十一人謹呈

執政  
巡帥 鈞鑒敬啟者大清自受命以來二百餘年歷代毫無失德辛亥歲革命軍興四方靡爛  
大清皇帝不忍以一姓之尊榮致萬民於塗炭毅然遜位改爲立憲共和國體並與民軍商  
定優待皇帝條件八條優待皇族四條優待蒙回藏七條知照各國政府存案以垂永久意  
至良法至善也迄今十有三年惟以財政困難致經費未能如數撥付其餘各條件無不如

約履行乃本年十一月五日忽有二三狂妄之輩率領軍隊直至乾清門逼令

大清皇帝取消帝號即日移出宮禁並將優待條件肆行改刪名爲修正實等廢除

大清皇帝迫於兵威只得倉皇出宮避居醇親王府第夫以全國謹遵各邦立案之條件竟於片刻任意更改毫無商量之餘地動天下之公憤昭鄰國之譏評實不知此數人者是何居心今幸我公入都改組政府整飭紀綱用特合懇俯准取銷妄改之條文恢復原定優待各條件仍請

大清皇帝移回宮內將來

大清皇帝願移住頤和園再行從容佈置一切不勝感激屏營之至肅此祇頌 鈞安維照

不另 雲南朱崇蔭吳煦等二十四人謹呈

芝泉執政  
雨亭總司令鈞鑒敬啟者溯自辛亥政爭

清廷不忍天下人民慘遭鋒鏑毅然下詔推讓政權公諸民國以至仁惻怛之心開掛讓和平之局天下人民同深感謝於是議定優待各條以表崇德報功之意南北代表會議僉同

其條文並經通知各國公使以昭大信而示尊崇不料本年十一月初五日突有攝關政府  
徇少數人之意見擅發令修正五條強迫承認實出天理人情之外一時人心大憤異口同  
聲查此項條件與國際條約有同等之效力載在盟府豈能擅議更張即以尋常契約性質  
言之斷無不經雙方同意即可由一方面私行改變之理其不能發生效力斷然矣况報載

執政天津來電文曰清室遜政非征服比優待條件全球共聞等語大義昭然今幸

執政東山再起主持國是  
旋應止主張公義  
公理所在勝於強權伏乞  
英斷將非法修改五條即日取消仍照

原訂條件履行以保民國之大信而平天下之人心代表等迫切陳詞伏望 俯允施行實  
爲至便 貴州姚大燾 變紹蓮等十九人謹呈

右各省士民維持優待 皇室條件函電除上列外尚有上海陳夔龍馮煦秦炳直余誠格  
朱祖謀等天津張人駿呂海寰升允鐵良袁大化等香港陳伯陶張學華等安徽旅京李經  
畬馬其昶等陝西旅京吳懷清等均有函電分致段執政張巡帥經本社多方搜訪俟得原

稿再錄供衆覽

正誼書社白



